

VENDIM
Nr. 417, datë 24.6.2019

**PËR MIRATIMIN E NUMRIT TË PUNONJËSVE ME KONTRATË TË
PËRKOHSHME, PËR SEZONIN E VERËS 2019, NË AGJENCINË KOMBËTARE
TË ZONAVE TË MBROJTURA DHE PËR RISHPËRNDARJEN E FONDEVE
BUXHETORE NGA MINISTRIA E DREJTËSISË TE MINISTRIA E TURIZMIT
DHE MJEDISIT**

Në mbështetje të nenit 100 të Kushtetutës, të pikës 2, të nenit 18, të ligjit nr. 7961, datë 12.7.1995, “Kodi i Punës i Republikës së Shqipërisë”, të ndryshuar, të nenit 44, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, si dhe të nenit 18, të ligjit nr. 99/2018, “Për buxhetin e vitit 2019”, me propozimin e ministrit të Turizmit dhe Mjedisit, Këshilli i Ministrave

VENDOSI:

1. Miratimin e numrit të punonjësve me kontratë të përkohshme, për sezonin e verës 2019, në Agjencinë Kombëtare të Zonave të Mbrojtura, pranë Ministrisë së Turizmit dhe Mjedisit, gjithsej 420 (katërqind e njëzet) veta, për vendet e punës të përcaktuara në lidhjen nr.1, që i bashkëlidhet këtij vendimi dhe është pjesë përbërëse e tij.

2. Detajimi i numrit të punonjësve me kontratë të përkohshme, sipas emërtesës së vendit të punës, bëhet nga drejtori i Përgjithshëm i Agjencisë Kombëtare të Zonave të Mbrojtura.

3. Periudha kohore e veprimtarisë sezonale, që do të kryejnë punonjësit me kontratë të përkohshme, është 2 muaj, 10 korrik–10 shtator 2019.

4. Punonjësit me kontratë të përkohshme do të përfitojnë pagën bazë minimale të përcaktuar sipas legjislacionit në fuqi.

5. Ministrisë së Drejtësisë, në programin buxhetor “Planifikim, menaxhim dhe administrim” të miratuar për vitin 2019, i reduktohet fondi prej 20 000 000 (njëzet milionë) lekësh, në zërin buxhetor “Shpenzime korrente”. Ky fond rishpërndahet në të njëjtën shumë dhe zë buxhetor në Ministrinë e Turizmit dhe Mjedisit, në programin buxhetor “Për mbrojtjen e mjedisit”, për pagesën e punonjësve të kontraktuar.

6. Shpenzimet për pagat e punonjësve të përcaktuar në pikën 1, të këtij vendimi, si dhe kostot administrative, të përballohen në vlerën 20 000 000 (njëzet milionë) lekë nga fondet buxhetore të Ministrisë së Drejtësisë, të rishpërndara pranë Ministrisë së Turizmit dhe Mjedisit, sipas përcaktimit në pikën 5, të këtij vendimi, dhe 14 700 000 (katërmëdhjetë milionë e shtatëqind mijë) lekë nga fondet buxhetore të Ministrisë së Turizmit dhe Mjedisit nga programi “Planifikim, menaxhim” (Shpenzime operative).

Nga shuma totale, 26 000 000 (njëzet e gjashtë milionë) lekë do të jenë për fondin e pagave dhe të sigurimeve dhe 8 700 000 (tetë milionë e shtatëqind mijë) lekë do të përdoren për mbulimin e shpenzimeve operative.

7. Efektet financiare do të fillojnë në momentin e nënshkrimit të kontratës së përkohshme, ndërmjet Agjencisë Kombëtare të Zonave të Mbrojtura, në cilësinë e punëdhënësit, dhe punëmarrësit.

8. Ngarkohen Ministria e Financave dhe Ekonomisë, Ministria e Turizmit dhe Mjedisit, Ministria e Drejtësisë dhe Agjencia Kombëtare e Zonave të Mbrojtura për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama

Nr.	Lloji i <i>Infopoint</i>	Emërtesa e vendit	Gjendja
	<i>Infopoint</i> në pikat kufitare	Pika kufitare e Morinës	Për t'u ngritur një <i>infopoint</i>
		Pika kufitare e Murriqanit	Për t'u ngritur një <i>infopoint</i>
		Në dalje të Porti të Durrësit	Për t'u ngritur një <i>infopoint</i>
		Aeroporti i Tiranës	Për t'u ngritur një <i>infopoint</i>
		Pika kufitare e Qafë-Thanës	Për t'u ngritur një <i>infopoint</i>
		Në dalje të Portit të Vlorës	Për t'u ngritur një <i>infopoint</i>
		Pika kufitare e Kapshticës	Për t'u ngritur një <i>infopoint</i>
		Pika kufitare e Kakavijës	Për t'u ngritur një <i>infopoint</i>
		Porti i Sarandës	Për t'u ngritur një <i>infopoint</i>
		Qyteti i Shkodrës	Për t'u ngritur një <i>infopoint</i>
	<i>Info point</i> në plazhe/qytete	Plazhi i Velipojës	Ekzistuese, qendra e informacionit
		Plazhi i Shëngjinit	Për t'u ngritur një <i>infopoint</i>
		Plazhi i Durrësit	Për t'u ngritur një <i>infopoint</i>
		Qyteti i Durrës	Për t'u ngritur një <i>infopoint</i>
		Qyteti i Krujës	Për t'u ngritur një <i>infopoint</i>
		Qyteti i Tiranës	Për t'u ngritur një <i>infopoint</i>
		Qyteti i Dibrës	Për t'u ngritur një <i>infopoint</i>
		Parku Arkeologjik Apolonisë	Për t'u ngritur një <i>infopoint</i>
		Lungomare e Vlorës, Skela	Ekzistuese, kioska <i>Smile</i>
		Platforma ne Llogora	Ekzistuese, kioska <i>Smile</i>
		Porto Palermo	Ekzistuese, kioska <i>Smile</i>
		Qyteti i Beratit	Për t'u ngritur një <i>infopoint</i>
		Qyteti i Pogradecit	Për t'u ngritur një <i>infopoint</i>
		Qytetit i Korçës	Për t'u ngritur një <i>infopoint</i>
		Tushemisht	Ekzistuese, qendra e gjelbër
		PK Theth	Ekzistuese, Qendra e vizitorëve të Parkut
		Qytetit i Elbasanit	Ekzistuese, zyra e informimit
	<i>Info point</i> në qendrat e vizitoreve	PK Divjakë-Karavasta	Ekzistuese, Qendra e vizitorëve të Parkut
		Zona e Orikum, qendra Rradhimë	Ekzistuese, Qendra e vizitorëve të Parkut
		Qytetit i Himarës	Ekzistuese, zyra e ngritur nga GIZ
		Zona e Ksamilit	Ekzistuese, zyra e qytetit antik Butrint
		PK Llogora	Ekzistuese, Qendra e vizitorëve të Parkut
		Qyteti i Gjirokastrës	Ekzistuese, zyra e informimit
		Qyteti i Sarandës	Ekzistuese, zyra e informimit
		Qendër vizitorësh, Përmetit	Ekzistuese, zyra e informimit